

iterum a oferir imprestar, sicome dirò qui soto, i quali rimaseno tutti 6 che imprestò danari, ovvero ozi o sti zorni; li quali imprestò, sono questi:

Questi prestono ozi a Gran Consejo

Sier Domenego Contarini, è di Pregadi, qu. sier Bertuzi, electo podestà a Chioza	ducati 1000
Sier Giacomo Corner di sier Zorzi cavalier procurator, electo triplo a Chioza	» 1000
Sier Polo Morexini, fo cao di XL, qu. sier Alban, electo signor di nocte	» 100
Sier Antonio Marzelo, fo cao di XL, di sier Anzolo, electo signor di nocte	» 100
343 * † Sier Nicolò Bragadin, fo podestà a Caxalmazor, qu. sier Marco, electo ai X Savii, imprestò	» 400
Sier Alvixe Foscari, fo provedador di comun, qu. sier Nicolò, electo <i>ut supra</i>	» 400
† Sier Ziprian Malipiero qu. sier Hieronimo, electo ai X Officii	» 800

Da poi stridati i tolti di Pregadi

Sier Lorenzo Minio qu. sier Andrea, ducati	800
Sier Nicolò Malipiero qu. sier Tomaxo	» 700
Sier Michiel Morexini, fo di Pregadi, qu. sier Piero, ancora	» 200
Sier Piero Corner, fo ai X Officii, qu. sier Marco	» 800
Somma ducati	60300

Rimase di Pregadi

† Sier Lorenzo Falier, è di la zonta, qu. sier Thomà, dopio	904.631
† Sier Alvixe Bragadin, è di Pregadi, qu. sier Marco, dopio	950.561
† Sier Michiel Morexini; fo di Pregadi, qu. sier Piero, quadruplo	1066.409
† Sier Piero Corner, fo ai X Officii, qu. sier Marco	1122.368
† Sier Lorenzo Minio qu. sier Andrea	964.534
† Sier Nicolò Malipiero, fo a la custodia di Padoa, qu. sier Tomaxo	1029.441

Sier Luca Loredan, è di la zonta, qu. sier Francesco	754.761
Sier Faustin Barbo, fo provedador sora la revision di conti, qu. sier Marco	622.889

Et altri, con titolo grandò, cazete: Sier Zuan Miani è provedador a le biave; sier Alvixe Zustignan, fo podestà e capitano in Cao d'Istria; sier Andrea Foscolo, è di Pregadi, qu. sier Marco, et sier Francesco Gradenigo, fo di Pregadi, qu. sier Polo, tutti vechii.

Fo publicado in questo Consejo, per Vettor Bianco, che visto le leze, la parte di sora la sanità messa il precedente Consejo se intendi esser presa: e cussi vien stridà presa.

Di Udene, fo letere di sier Lunardo Emo luogotenente, et di Cadore di sier Piero Arimondo capitano, con avisi di le cose di sopra. Par quelle zente andavano tutte verso Verona, qual, se diceva, erano preparate per Friul.

A dì 27. La matina, il Colegio fo con li Governadori de l'intrade sora capitoli dil dazio dil vin si à incantar.

Vene l'orator di Franza per saper qualcosa di novo, che si meravigliava non era letere di nostri oratori, concludendo tutto il Colegio esser stà intercepte, e si dubita il marchese di Mantova non sia quello qual fa mal officio al presente, come per più vie si ha questo.

Et fo ordinato redur ozi il Colegio con la Signoria di novo.

Et tardi, levata la Signoria, vene *letere di Roma, di l'orator nostro, portato per uno muntio di signor Renzo, di 21 et 23.* Avisa come de li non è letere di 14 dil mese in qua da' sguizari, ma ben da Zenoa, di 17, come il Christianissimo Re havea auto tutti i lochi e terre di là di Po, zoè Aste, Alexandria di la Paia et Novara. Et per letere de Milan, di 18, par il Duchà habbi scritto a' sguizari che stiano fermi et non vengano a la zornata con francesi, perchè subito li zonzzeria 10 milia sguizari per soccorso, et le zente dil Papa et le spagnole; qual soccorso zonto potrà obstar a' francesi. *Item*, il Papa à parlato con l'orator nostro di queste materie de' francesi, e dà bone parole; tuttavia esso orator à inteso, per bona via, che il Papa, quelli 15 milia ducati ch'el mandava in campo di sguizari li à inviati a Verona al signor Marco Antonio Colona, aziò fazi 3000 fanti per mantener quella terra contra de nui. Et il Papa non vol più che le sue zente vadino a conzonzarsi con sguizari, et vol far la massa di le so' zente a Bologna.